

Akiliisitsisarneq

POST Greenlandip niuernermit piumasaqaatai 1. maj 2019-meersut

Uku niuernermit piumasaqaatit akiliinerni sugaluurtuniluunniit atuupput, POST Greenlandip nioqqutissaatai sugaluurtulluunniit pineqartillugit.

1. Kinaanermut uppersaasat

POST Greenland pisussaataitaavoq aningaasannorlugit akiliutit "Anngiortumik akissarsianik eqqortunngortitsiniartarneq peqqarniisaartarnermullu akiuiniarneq" pillugu inatsimmut attuumassuteqarsinnaasut nalunaarutigissallugit.

POST Greenlandip sukkulluunniit piumasarisinnaavaa akiliisoqartillugu pisiniartup kinaassusaanut uppersaasammik atorsinnaasumik takujumalluni. Aningaasanik akiliisoq inuup normua atinilu oqaatigiumangippagit akiliiniartoq itigartinneqassaaq.

Finansráði anngiortumik akissarsianik eqqortunngortitsiniarneq pillugu pisisartunut qppersakkamik sanatitsinikuvoq, taanna pineqarsinnaavoq TELE-POST Centerimut saaffiginnilluni.

2. Aningaaserivinnut ikisisoqartillugu nuussisoqartilluguluunniit sullinnerini uninngatitsigallarsinnaasarneq

Pisisartup kissaataa naapertorlugi indbetalingskort atorlugu imaluunniit bankimut nuussineq atorlugu pippat, aningaasat tamatigut kontomut pisisartup nalunaarutigisaanut ikineqartarput. Tassa imaappoq TELE-POST Greenlandip paasissutissat allat apeqqutaatinneq ajorpai, soorlu kontomik piginnittup aqqa.

POST Greenland kreditkortit atorlugit akiliutigineqartut noqikkallarsinnaavai akiliisup akiliisinnaassusaa pillugu aningaaserivianut paasiniaanissap periarfissaqalernissaata tungaanut.

Post Greenlandip aningaasat tigusinnaangippagit, aningaasat eqqortuunnginnerat, matussutissaqannginnerat imaluunniit kontop matuneqarsimanagera pissutigalug, Post Greenland pisinnaatitaavoq akiliisussap attaviginissaanut siunertaralugu akiliutip utertinnissaa, akiliisup akiliutaata atorsinnaanera pissutigalugu. Pisisartup akiliut atorsinnaanngitsoq atorsimappagu, taava POST Greenlandip, aningaaseriviup itigartitsinera tiguneqarsimaleriarpat, pisisartoq tamanna pillugu ilisimatissavaa siunertaralugu akiligassap eqqortumik akilerneqarnissaa.

POST Greenland tamatigut akiliinerit politiinut nalunaarutigisarpai, akiliisimasoq akiliut atorsinnaanngitsoq atorlugu akiliisimappat.

3. BankNordik sinnerlugu aningaaserivittut sullissineq

POST Greenland BankNordik kiffartuussinissamut isumaqatigiissuteqarfiginikuuaa, aningaaseriviup sullitaasa kontominnut ikisisarnissaat kontominniillu tigusisarnissaat pillugu. Sullissinerit tamakku akiliisarnerit sugaluurtulluunniit pillugit Post Greenlandip niuernikkut piumasaqaataanut ilaapput. Erniat, akitsuutit aamma kontomut tunngasut suulluunniit pillugit malittarisassanut paasisaqarnerorusukkuit BankNordikip niuernermit piumasaqaatai naliginnaasut innersuussutigineqassapput, taakku BankNordikumut saaffiginnilluni pineqarsinnaapput.

4. Atuisinnaatitaaneq

Akiliisup, POST Greenlandip akiliinermut systemiata akiliummik iluarsiinissaata tungaanut akiliutini utertinniarsinnaavaa. Post Greenlandip akiliinermut akitsuut utertinneq ajorpaa. Utertitsinermut atatillugu

Post Greenland akiligassinneqassagaluarpat, tamanna pisisartumut akiligassanngortinneqassaaq aamma aningaasanit utertitassanik ilanngaatigineqaqqaartassaaq aningaasat piunasaqartumut tunniunneqartinnagit.

5. Akit

Akit akitsuutillu aningaasanngorlugit akilerneqartassapput allamik periuseqarnissaq pillugu POST Greenland immikkut isumaqatigiissuteqarfigineqarsimangippat. Akitsuutit naliginnaasut akit allattorsimaffianni takuneqarsinnaapput, akit allattorsimaffiat pisisartumut tunniunneqarsinnaavoq TELE-POST Centerimit imaluunniit aamma akit allattorsimaffiat nittartakkamut www.telepost.gl-mut iserluni takuneqarsinnaavoq.

6. Nipangiussisimasussaataaneq

POST Greenlandi akiliisup akiliinermini suna atorsimaneraa pillugu paasissutissanik isertuussilluinnartarpoq. Immikkorluinnarli pisoqartillugu soorlu Kalaallit Nunaanni Politiit imaluunniit Akileraaruseriffik piunasaqarpat POST Greenland pisussaaffilerneqarsinnaasarpoq paasissutissanik taakkununga tunniussissalluni.

7. Taarsiisarneq

POST Greenlandip pisisartup (akiliisup) akiliutaanut akisussaasarpoq, akiliisimasup kontoaniit aningaasat tiguneqarnissaasa tungaanut.

POST Greenland pisisartup kingusinaarluni akiliisimaneranut atatillugu annaasanut taarsiissuteqarneq ajorpoq aamma taamaappoq, POST Greenlandip kukkusimanagera imaluunniit sumiginnaanera pissutigalugu kingusinaartoqarsimappat. Aamma Iluaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannangikkaluartumik kingunerisaanut allanut taarsiisoqarneq ajorpoq.

Malittarisassamili qulaani taaneqartumi pineqanngillat TELE-POSTimut akiliinerit soorlu oqarasuaammut, tassani pisisartumut akiligassanngortinneqartut akitsuutit TELE-POST-ip akisussaaffigai, pissutaalluni POST Greenlandimiit amingartumik nuussisoqarsimanagera.

POST Greenland taarsiisussaataaneq atorunnaartarpoq ulloq akiliiffimmiik ukioq ataaseq qaangiukkaangat.

8. Akiliutit inuttassaannut anngunneqarsinnaanngitsut

Akiliutit inissinneqarsinnaanngitsut, paasissutissat tiguisussamut tunngasut kukkuneqarneri pissutigalugit, akiliisumut utertinneqassapput. Akiliisimasooq nassaarineqarsinnaanngippat, aningaasat akiliinermit ukiut marluk qaangiuppata Post Greenlandip pissavai.

9. Naammagittaalliuutit akiliisitsisarneq pillugu

Akiliisup aningaasanilluunniit tiguisussap POST Greenlandimi akiliisitseriaaseq pillugu naammagittaalliornissani kissaatigippagu naammagittaalliuut najukkami allakkerivimmum tunniunneqassaaq sullissinerup ullulernerananiit qaammatit 12-t qaangiutsinnagit. Allakkeriviup aalajangiinera naammagittaalliuutigineqarsinnaavoq uunga: POST Greenland, Hovedkontoret - Qullersaqarfik, Postboks 9999, 3900 Nuuk.

Saaffignissut aaqqiinermik iluarisamik kinguneqanngippat taava pisisartup naammagittaalliuut ingerlateqqissinnaavaa uunga: Atuisartut Naammagittaalliortarfiat/ Forbrugerklagenævnet, Postboks 689, 3900 Nuuk.